

**Aðalfundur hverfisnefndar Holta- og Hlíðahverfis, haldinn í Glerárskóla
klukkan 20:00 þann 23. mars 2011.**

Mættir: hverfisnefnd Holta- og Hlíðahverfis, Logi Einarsson arkitekt, Helgi Pálsson hjá Gámaþjónustu Norðurlands ásamt hverfisbúum.

Fundarefni:

Venjuleg aðalfundarstörf

Formaður setur fund

Kosning fundarstjóra og ritara

Skýrsla stjórnar

Kosning stjórnar næstu 2ja ára

Ingvar formaður setti fundinn og bauð fundarmenn velkomna.

Ingvar stakk uppá Berglindi Rafnsdóttur sem fundarstjóra og Brynju Sigurðardóttur sem ritara og var það samþykkt án athugasemda.

Formaður flutti skýrslu stjórnar.

Sagði formaður frá því að fleiri verkefni hefðu komið í hlut hverfisnefndar þetta starfsár heldur en hann hefði gert sér grein fyrir í fyrstu. Sagði hann frá því að búið væri að skipuleggja göngustíg meðfram Gleránni niður í Bót og væri nú verið að bíða eftir því að framkvæmdir hæfust. Meðal verkefna var þátttaka í Hausthátíð Glerárskóla ásamt foreldrafélagi Glerárskóla, þótti hún takast vel en eldri hverfisbúar hefðu mátt láta sjá sig fleiri og velti því fyrir sér hverju sætti. Fannst formanni að það yrði sterkara ef skólinn kæmi meira inn í það starf. Nefndin sá einnig til þess að steinar yrðu settir víða í hverfinu til að hindra aðgang bifreiða að ýmsum svæðum þar sem bílaumferð er bönnuð og var það eftir ábendingum frá hverfisbúum. Akureyrarbær sendir hverfisnefnd til umsagnar ýmsar skipulagsbreytingar í hverfinu og er það vel, hraðahindranir komu að góðu notum við Glerárskóla. Sorpmál hafa verið til umræðu í hverfinu að undanfögnu.

Stjórnarmenn fóru á fund bæjarfulltrúa sem þeir boðuðu í Glerárskóla.

Undirbúningur að aðalfundi var svo meðal verkefna nefndarinnar.

Ingvar formaður óskaði eftir athugasemdum við skýrsluna en engar komu.

Berglind fundarstjórnandi fór þá yfir starfsreglur hverfisnefndar og nöfn þeirra sem sátu í henni síðastliðið ár. Því næst var kosið ný nefnd, úr henni gengu Ingvar Þóroddsson og Aldís Einarsdóttir, þakkaði Berglind þeim fyrir vel unnin störf á síðastliðnum árum.

Nýja nefnd skipa:

Aðalmenn:

Berglind Rafnsdóttir, Brynja Sigurðardóttir, Valbjörg Fjólmundsdóttir, Guðmundur Geirsson og Óskar Ingi Sigurðsson.

Varamenn:

Eiríkur Jónsson og Helgi Stefánsson.

Var stjórnin samþykkt með lófaklappi.

Að lokinni kosningu stjórnar voru kaffiveitingar í boði hverfisnefndar.

Logi Einarsson arkitekt ræddi skipulagsmál af gamni og alvöru og fór í stuttu máli yfir þróun skipulags og bygginga frá örófi alda til dagsins í dag.

Helgi Pálsson hjá Gámaþjónustu Norðurlands ehf. sýndi á glærum það sem farið hefur verið yfir á íbúakynningum að undanfögnu og svaraði fyrirspurnum bæði jafnóðum og í lok sýningar.

Meðal fyrirspurna var hvort þeir myndu hirða járntunnur frá fólki og sagði Helgi að það væri sjálfsagt en án þess að greiðsla kæmi fyrir. Varðandi plasttunnur sem fólk var búíð að fjárfesta í áður en ráðist var í þetta verkefni þá sagði hann að Gámaþjónustan gæti breytt þeim í endurvinnslutunnur. Fyrirspurn um hvort hægt væri að lofa því að engin mengun kæmi frá nýja svæðinu fyrir ofan núverandi endurvinnslusvæði svaraði Helgi því að slíkt væri aldrei hægt að útiloka algerlega en þeir myndu gera sitt allra besta til að svo yrði. Fyrirspurn kom um hvort hægt væri fyrir stór heimili að fá 2 ílát fyrir lífrænan úrgang og fékk sú fyrirspurn jákvætt svar.

Önnur mál.

Undir þessum lið komu ýmsar tillögur sem ný hverfisnefnd mun á næsta fundi fara yfir og vinna að. Meðal þess sem nefnt var af fundarmönnum var hraðahindranir í hverfið, ýmis skilti, fundarseta hverfisbúa úr ákveðnum götum með hverfisnefndinni og snjómokstur.

Góðum fundi slitið klukkan 22:05.

Ritað 23. mars 2011

Brynja Sigurðardóttir

